

6. august 2018

Inatsisartut suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

- 1. Naalakkersuisut 2016-imi §37-imut akissuteqaateqarmatali (183/2016) qanoq atsigisumik nalunaarasuartaatsikkut pitsangorsaasimappat, qaammataasiatigut tigusisariaqartunut soorlu oqarasuaatikkut pitsaassuseq, nettikkut downloaderinermi sukkassutsit aammalu data-nik tigooraaneq internetikkut pisiassat eqqarsaatigalugit?**
- 2. Qanoq annertutigisumik pitsanngorsaasoqaqqissava aammalu piffissatigut pilersaarutit qanoq isikkoqarpat?**

(Inatsisartuni ilaasortaq, Laura Táunâjik, Siumut)

Tunggavilersuut:

Naalakkersuisut §37-imut akissuteqaateqarlutik nr. 183/2016 nalunaaruteqarput, Upernavimmi qaammataasiatigut aaqqissuussinermiit radiut atassuteqaqatigiiaanun pilersaarutaasumik ikaarsaarnissaq qaammataasatigut pisisartuusut inissaqartitaanerulissasut (Tunumi aamma Nunatta Avannaani.

Tassungaa aamma ilanngunneqarsinnaavoq, nalilersuisoqarnikummat qaammataasatigut attavinnut nutaanun ikaarsarnermi (Intelsat 35e) nalunaarasuartaatikkut aallakaatitap sakkortunerunera aammalu tigusillaqqinnerunera pissutaalluni, nalunaarasuartaatikkut imaqqortussuseq annertusineqarsinnaalluni.

Naalakkersuisut §37-imut akissuteqaammuni aamma ilanngullugu nalunaarutigivaat, Tele-Post 2018/2019-imut ukiunullu tullinnguuttunut qaammataasakkuq imaqqortussutsimik isumaqatiginninniarmat.

Tamannarpiaq tunggavigalugu Naalakkersuisut nalilersimavaat, innuttaasut qaammataasakkuq tigooraavinniittut ukioq 2018 naatinnagu naatsorsuutigisinnaassagaat ”*malunnaatilimmik nalunaarasuartaatsikkut attaveqarneq pitsaanerulissasoq, internetikkut neqeroorutigineqartartut data-qarnerullutik, sukkannerusumik downloaderisinnaallutik aammalu oqarasuaatikkut pitsaassuseq qaffattussaalluni.*”

Maanna tassa 2018 naajartulereerpoq. Apeqqaalerpoq ilumut naatsorsuutigisavut piviunngorsinnaanersut, taamatummi paasineqarsinnaasumik Naalakkersuisut §37-imi akissutaanni erseerpoq: Pitsanngorsaatinik sunik angusaqarsimavugut, aammalu suut naatsorsuutigisinnaavagut.

Apeqquteqarninni siunertaraara sumut killissimanermik nalilersuiniarlunga.